



Lokal forskrift 1. august 2024 nr. 2 om skulefritidsordning i Ulvik herad

Heimel: Fastsett av heradsstyret i Ulvik herad kommune 19. juni 2024 med heimel i lov 9. juni 2023 nr. 30 om grunnskulen og den vidaregåande opplæringa (opplæringslova) § 4-5, femte ledd.

§ 1 Føremål

Kommunen skal ha tilbod om SFO før og etter skuletid for elevar på 1. til 4. trinn og for elevar med særlege behov på 1. til 7. trinn. Forskrift skal gjere regelverket meir tilgjengeleg og føreseieleg for dei som nyttar seg av SFO.

§ 2 Verkeområde

Forskrifta gjeld den offentlege grunnskulen i Ulvik herad. Forskrifta gjev fråsegn som gjeld for skulefritidsordninga (SFO). Alle skoler med barnetrinn (1.-7. årstrinn) skal ha ei skulefritidsordning for elevar på 1. til 4. årstrinn og for elevar med særlege behov på 1. til 7. årssteg.

§ 3 Eigar

Ulvik herad er eigar av SFO som er knytt den offentlege grunnskulen i Ulvik herad. Ansvar for drift er lagt til Brakanes skule.

§ 4 Opptaksmyndigheit

Rektor er opptaksmyndigheit for SFO på Brakanes skule. Opptak skjer i samarbeid med SFO leiar.

§ 5 Opptakskriterium

SFO er et frivillig aktivitets - og omsorgstilbod før og etter skuletid for elevar på 1. - 4. trinn og for elevar med særskilde behov på 1. - 7. trinn. Kriterium for tildeling av plass for born med særskilde behov, er at barnet har nedsett funksjonsevne som fører til omfattande og/eller vedvarande trong for tilsyn før og etter skuletid. Søknaden skal grunngjevast og dokumentasjon frå sakkunnig instans skal leggjast ved søknad. Tilbodet om plass i SFO er for elevane ved Brakanes skule.

§ 6 Opptaksperiode og endring av plass

Søknad om opptak skal sendast rektor ved Brakanes skule innan fristen, 1. mars. I søknaden må det gjevast melding om eventuelle vanskar SFO bør kjenna til. Alle søkjarar har garantert plass ved hovudopptak. Opptak utanom søknadsfrist kan vurderast dersom ressursituasjonen gjer det mogeleg. Dette er avhengig av tal born som er påmelde og bemanningsplanen som er lagt etter hovudinntaket. Det skal skrivast ein eigen avtale om opphalds- og betalingsvilkår for kvart barn.



Dersom det er ledig kapasitet i høve til gjeldande bemanning, er det høve til å søkja om å få utvida frå redusert til heil plass på ein-skild dagar. Også barn utan fast SFOplass kan kjøpa enkeltdagar på skuledagar og i feriar dersom det er ledig plass. SFO- leiar avgjer.

§ 7 Oppseiing av plass

Plassar kan seiast opp skriftleg med 1 månads varsel, påfylgjande frå fyrste i månaden. Det må betalast i oppseiingstida sjølv om plassen ikkje vert nytta til dømes i endringar av opphaldet frå heil til halv plass. Heradet kan seia opp ein plass ved manglande betaling, men med ein månads skriftleg varsel.

§ 8 Opphøyring av plass

Heradet kan seia opp ein plass ved manglande betaling, men med ein månads skriftleg varsel.

§ 9 Dagleg opphaldstid og årleg opningstid

Skulefritidsordninga har tre ulike grunntilbod som går dei 10 månadane det er skule.

Dagleg opningstid er mellom kl 07:30 og 16:30. SFO er open i skuleferiar, bortsett frå i 4 samanhengjande veker i juli og inntil 6 planleggingsdagar for året. SFO er stengt i perioden 24.12 – 01.01 og onsdag før skjærtorsdag.

- a) Heil plass er 38 veker der SFO-tilbodet er ca 20,5 timar pr veke.
- b) Redusert plass er på om lag 10 timar pr. veke og gjeld mellom klokka 07:30 til 08:30 og frå skuleslutt fram til kl 14:10 alle dagane det er skule.
- c) Fredagsplass er frå 11:00 – 14:10 på skuledagar.

Administrasjonen kan tilpassa tilboda til skulesituasjonen kvart år.

§ 10 Foreldrebetaling

Foreldra betaler etter to grunnsatsar ut frå ein fast timepris som er lik for alle tilboda.

Betalinga vert fordelt på 10 månadlege innbetalingar. Juli og august er månader utan faktura på grunn av at det er start- og avsluttande månadar.

Born av foreldre som ikkje bur i lag og som har delt omsorg, kan få tilbod på SFO halvparten av tida, dersom ikkje båe foreldra har trong for SFO. Dei betalar halv pris.

Betalingssatsane ligg fast, men foreldre/føresette kan gjera avtale om avgrensa tilpassingar for opphaldstida.

Påmeldinga til feriedagar er bindande, og må betalast for også om barnet ikkje møter. Elevar på 1., 2. og 3. trinn har rett på 12 timar gratis SFO i veka.

Dersom ordninga vert utvida til å gjelda 4. trinn, på eit seinare tidspunkt, vil forskrifta også gjelda for dei.

For elevar med særlege behov på 5. til 7. trinn er tilbodet gratis.



§ 11 Innhaldet i tilbodet på SFO

SFO skal leggja til rette for leik, kultur- og fritidsaktivitetar med utgangspunkt i alder, funksjonsnivå og borna sine interesser. SFO skal gje omsorg og tilsyn. Den nasjonale Rammeplanen for SFO presiserer regelverket og kva som er verdigrunnlaget for SFO, og den skildrar innhald og arbeidsmåtar i SFO. Rammeplanen er førande for SFO. Ved matsservering skal maten vere av god og ernæringsmessig standard. Sosiale og kulturelle verdiar ved måltidet skal vektleggjast. Det psykososiale miljøet i SFO skal fremja helse, inkludering, trivsel og læring. Ulvik herad sin handlingsplan for et trygt og godt barnehage- og skolemiljø skal liggja til grunn for arbeidet. Forskrifta til skulen om skulereglar gjeld ikkje for SFO. SFO skal laga lokalt tilpassa ordensreglar for opphaldet i SFO.

§ 12 Leike og opphaldsareal

Skulefritidsordninga sin faste base er felles med klasseromma til 1. og 2. klasse i tillegg nyttar SFO skulekjøkkenet, formingsalen, fleirbrukshallen og andre klasserom etter behov. Leikeplassen på skulen er uteareal utanom organiserte turar.

§ 13 Styring og leiing

SFO er administrativt underlagt kommunedirektøren ved kommunalsjef oppvekst. Rektor har det administrative, faglige og økonomiske ansvaret for ordninga ved Brakanes skule. SFO skal ha eigen leiar som rapporterer direkte til rektor. Stillingsstorleik vert tilpassa storleik SFO. SFO-leiar skal ha minimum tre års relevant høgskuleutdanning eller annan relevant utdanning.

SFO-leiar har møte- og uttalerett i skulen sitt samarbeidsutval (SU) i saker som vedkjem SFO.

§ 14 Bemanning

Det skal til ei kvar tid være minst to tilsette til stades i opningstida til SFO. Bemanninga må være forsvarleg i høve til borna sin alder og føresetnader.

Det skal vera ein vaksen pr. 12 born som ein grunnregel. Dette skal også dekkja ein del av eventuelle mindre særskilde behov. Det betyr ei bemanningsnorm som er fleksibel og som kan tilpassast når det er trong for det. Som grunnlag for vurdering av bemanninga skal rektor i hovudsak leggja til grunn eit årsverk per 18 hele plasser. Personale som skal ivareta born med større særskilde behov, vert tilsett utover den ordinære bemanninga etter ei fagleg vurdering av rektor og SFO-leiar. Det er ynskeleg at personalet i SFO har relevant utdanning og/eller erfaring med arbeid med born i aldersgruppa. Bemanninga i SFO kan verta sett saman av assistentar, personar med relevant fagbrev og personar med høgare utdanning.

§ 15 Forsikring Ulykkesforsikring

Skuleforsikringa, gjeld også for born i SFO. Heradet har ikkje erstatningsplikt for eigendelane til borna på SFO, utover vanleg erstatningsrettslege reglar.

§ 16 Iverksetting

Forskrifta trer i kraft 1. august 2024.